



TIRA IQEDDSEN

Tabrat
i
Icibraniyyen

28

Řexbar Ařebħan n Yeccu Lmasiħ (Řeahd n Jdid s Trifit - s tira n tlatinit)

English Title: The Good News of Jesus Christ
(The New Testament in Tarifit - Latin script)

ISBN/EAN 978-90-807288-2-0

Amsawađ d iniy misen: www.tarifit.info

ver. 1.2

© 2009 DHIMH Multimedia

All rights reserved. Free and unlimited reproduction and distribution of this publication in whatever form is permitted if it serves the interest of the spread of the Good News of Jesus Christ, on the condition that the contents of this publication will not be changed and this same and complete copyright notice will be included and on the condition that its distribution does not serve any commercial purpose.

Marra řħuquq twađemnen. Itwasmeh ad itwagg wedlis-a eawed s eřam kuř ibriden u s marra tiřelli, mařa man aya ittiři di řtwee n uwezzee n Řexbar Ařebħan n Yeccu Lmasiħ maca nnebřa abeddeř n min dayes. Ittxeřř ad itwagg dayes řebda awař-a simant nnes marra zi řjihet n řħuquq am ittxeřř eawed belli awezzee nnes ad yiri nnebřa arbeħ d usebbeb.

Tabrat i Ieibraniyyen

Arebbi igga Mmis d awrit n kučci

1 ¹Arebbi, umi issiweř aţtas n twařawin u deg waţtas n ibriden i řejdud s imkacafen, ²aqqa issiweř akidney deg wussan-a ineggura s Mmis wenni igga d awrit n kučci, s wenni  awed igga ddunnit. ³Wa, wenni d talellect n ueuđi nnes uca d  t abe  n tefras n tweřsaf nnes, wenni yarebbun marra timesřayin s wawař n jjehd nnes, aqqa netta, řami issizdeg ddnub nney s yixef nnes, aqqa issars ixef nnes  ar yeffus n leađim di řueřa, ⁴idweř im ar x lmalakat am iwart isem icna ktar zzaysent. ⁵Minzi i man ten zi lmalakat inna Arebbi  emmarř “Mmi i teđid cek, ass-a necc jjiř-d cek”, uca  awed inna “Necc ad as iřiy d babas uca netta ad ayi yiři d Mmi”? ⁶Uca xmi i d  a issidef amenzu  ar ddunnit tawařa nneđnit, inna “Ad as sejdent marra lmalakat n Arebbi.” ⁷Uca x lmalakat inna “Wenni iggin lmalakat nnes d isemmiđen uca ixeddamen nnes d iřudaq n tmessi”, ⁸maca i Tmemmit “Řearc nnek, a Arebbi, aqqa iđa i řebda qa . Azeđad n useggem, aqqa-t d azeđad n tgeldit nnek. ⁹Aqqa tessed tasegda, tcarhed min iđan  idd n ttawrat, s uyenni aqqa idhen ic Arebbi, Arebbi nnek, s zect n řefrahet sennej i imeacaren nnek.” ¹⁰Uca “Cek, a Arebbi, deg ubeddu teggid tamurt uca  awed ijenwan iđan d řexdayem n ifassen nnek. ¹¹Ina ad twatehřan, maca cek ad tedumed uca ina marra ad arcan am warruđ ¹²uca amecnaw aseřham ad twannđen uca ad twabeddřen, maca cek ad tiřid d wenni uca iseggwusa nnek war qeřtin ca”. ¹³U i man tent zi lmalakat inna ij n wass “Qqim  ar yeffus inu ař d  a ggey řeedyan nnek d tanebdat sadu iđaren nnek”? ¹⁴Ma war ğint nitenti d arruřat imsexxaren, twassekkent-id ĥima ad sexxarent i yinni i  a warten asenjem?

Amgewwad n usenjem nney

2 ¹X uyenni ittxeř aney ad newc taynit ktar i min nesřa, ĥima war nettehřuđ ca. ²Minzi, mařa awař i innan t lmalakat tuya-t nican, uca marra axeřtu d řmuesiyyet aqqa itwaxeĝes, ³mammec i  a narweř neccin, mařa war newci ca taynit i usenjem ameqqran

¹⁵ Sbh. 2:7; 2 Sam. 7:14; 1 Imz. 17:13 ¹⁶ Tiř. 32:43; Sbh. 97:7

¹⁷ Sbh. 104:4 ¹⁹ Sbh. 45:6-7 ¹¹² Sbh. 102:25-27 ¹¹³ Sbh. 110:1

am wanita x minxef tuya issawař Sidi ęar umezwaru u twađemnen aney  awed inni tuya t isřin, ⁴uca Arebbi iched tanya akis s řeeřamat d lmu jizat d wařtas n řeejayeb uřa s tmewci n Arruř Iqeddsen  lařsab min ixš netta. ⁵Minzi war issars ca ddunnit i d ęa yasen x tenni nessiweř sadu řumur n lmalakat, ⁶maca ijjen aqqa iched di ca n wemcan, inna "Min iena bnađem, cek i dayes ittxarrařen, niy d mmis n bnađem, cek dayes itthillan?" ⁷"Cek teggid t cwayt sadu lmalakat, teggid as ttaj s ueuęi d ccan uca teggid t x řexdayem n ifassen nnek." ⁸Aqqa marra timesřayin teggid tent sadu iđaren nnes. Minzi, am igga marra timesřayin sadu netta, aqqa war ijji walu war t iggi sadu netta. Maca řexxu war nřar  ad marra timesřayin twaggent sadu netta, ⁹maca nettwařa Yeccu, wenni tuya itwaggen cwayt sadu lmalakat di ssibbet n uweddeb n řmewt řima s nni met n Arebbi ad iqqas řmewt i marra, netwařa t s ttaj n ueuęi d ccan. ¹⁰Minzi tuya ittřiq as umi ęant marra timesřayin d marra timesřayin ęant zzayes, řima ad yawi ařtas n iřenjiren ęar ueuęi mařend netta ad issiwed amgewwad n usenjem nsen ęar řekmařet s uweddeb. ¹¹Minzi d wenni issqeddsen d yinni itwaqeddsen, nitni marra zeg ijjen. X uyenni netta war ittředři ca ad asen iřaya awmaten ¹²uca iqqar "Ad baręey i wawmaten inu s isem nnek, di řwest n tmesmunt ad cek sebbęey." ¹³Uca  awed *iqqar* "Nec ad dayes ttiqqey" uca  awed "Aqqa da, nec d tarwa inni i d ayi iwca Arebbi." ¹⁴Am carcen tarwa deg weysum d idammen uřa d netta simant nnes icarc ammu kifik di man aya, řima ad iteřęa s řmewt nnes wenni ęar ięa řřulťa x řmewt, aqqa netta d ibřis ¹⁵uca řima ad ifekk marra inni isse ddun qa  tudart nsen am isemyan zi tiggwudi n řmewt. ¹⁶Minzi s tidett, war d iksi ca zi lmalakat, maca zi zzariet n Ibrahim i zi d iksi. ¹⁷X uyenni tuya ittxeřř as ad idweř amecnaw awmaten zi marra iyezdisen, řima ad idweř d azeęif n ikehhanen arřim d ařdiq di min ięan i Arebbi, mařend ad isseřreř ddnub n iwdan. ¹⁸Minzi min di tuya netta simant nnes iweddeb am itwajarreb, aqqa izemmar ad i awen inni itwajarřen.

Yeccu Lmasiř yueřa x Musa

3 ¹X uyenni, a awmaten imqeddasen, imeacaren di třayit n ujenna, xřarem ęar umazan d uzeęif n ikehhanen n chadet nney, Lmasiř Yeccu, ²wenni d ařdiq i wenni it-id issga eden, am mammec tuya

Musa d ašdiq x marra taddart nnes. ³Minzi d wa itwaḥseb as-d d ačuḡi ameqqran x Musa, amecnaw ɣar wenni ibnan taddart ɣares ccan imɣar sennnej i ccan itwaggen i taddart. ⁴Minzi marra taddart ibna t ijjen, maca wenni ibennan marra d Arebbi. ⁵Aqqa Musa d ašdiq x marra taddart nnes am uxeddam, aqqa-t i chadet minxef i ɣa itwassiweř. ⁶Maca Lmasiḥ am Tmemmit x taddart nnes, taddart nni d neccin, mařa neqqim netteřteř di ttiqqet u deg usitem yueřan ař aneggar.

Aeřam maḥend ad nseř i tmijja n Arebbi

⁷X uyenni amecnaw mammec iqqar Arruḥ Iqeddsen “Aqqa ass-a, mařa tesřim tmijja nnes, ⁸war ttesseqsiihem ca uřawen nwem amecnaw deg uɣuwweɣ, deg wass n ujarreb di řexřa, ⁹mani d ayi jarrben řejdud nwem, qeğben ayi uca zrin řexdayem inu arebein n iseggwusa. ¹⁰X uyenni xeyyqeɣ x jjiř nni uca nniɣ ‘Řebda ad weddaren deg wuř nsen uca war ssinen ca ibriden inu.’ ¹¹Ammu i jjuğey di ɣađab inu ‘War d ttidfen ca di arraḥet inu.’”

¹²Xzarem, a awmaten, ittxeřša war ittiři ḥed zzaywem ɣares uř d aeėffan i war ittimnen, maḥend ad yagğwej x Arebbi iddaren, ¹³maca ziyyarem ijjen wenneđni kuř ass, řami ead qqaren “Ass-a”, ḥima uřa d ijz zzaywem war itteqsiiḥ ca s wecmat n dđanb. ¹⁴Minzi neccin nedweř d imeacaren n Lmasiḥ, mařa ncebbar nican deg ubeddu n ttiqqet nney ař aneggar. ¹⁵Mařa itwana “Ass-a, mařa tesřim tmijja nnes, war ttesseqsiihem ca uřawen nwem amecnaw deg uɣuwweɣ”, ¹⁶xenni min ienan ‘nitni řami tt sřin uca ɣewwɣen?’ Ma war ġin nitni marra d inni d iffyen zi Miřra ak-d Musa? ¹⁷X wi xef ixeyyeq arebein iseggwusa? Ma war iği x inni ixđan, inni arrimat nsen wđant di řexřa? ¹⁸I umi ijjuğ netta “War d ttidfen ca di arraḥet nnes” myiri i inni war d as ittegggen array? ¹⁹Aqqa nettwařa belli nitni war zemmaren ad adfen x ssibbet n nnebřa liman nsen.

Areyyeḥ n ssebt i řgens n Arebbi

4 ¹Ejj aney ad neggwed xenni, belli uřa d ijz zzaywem, mintra ead din ij n řwaed n wadaf di arraḥet nnes, ad iđhar axmi iqqim ɣar đeffar. ²Minzi itwabarreḥ aney řexbar ašebḥan eawed, am itwabeccar uřa i nitni, maca awař i sřin nitni, war d asen infie ca, minzi tuɣa war d ittis ca ak-d liman řami t sřin. ³Minzi neccin

ad nadeŕ di arraḥet inni yumnen, am mammec inna “Am jjuḡeŷ di lyaḍab inu ‘nitni war d ttidfen ca di arraḥet inu’”, waxxa řexdayem n Arebbi aqqa twakemmřent zeg wami tetwagg ddunnit. ⁴Minzi di ca n wemcan inna x wass wiss sebea ammu “Xenni yareyyeḡ Arebbi zi marra řexdayem nnes deg wass wiss sebea.” ⁵Uca eawed danita “War d ttidfen ca di arraḥet inu”. ⁶Xenni, umi teqqim ead belli ca ad adfen řar arraḥet nni uca inni umi itwabeccar zic war udifen ca x ssibbet n řmuęsiyyet nsen, ⁷ineyyec eawed ca n wass, am inna *deg wedlis n Dawud* “Ass-a” awarni ařtas n řweqt, am mammec itwana “Ass-a mařa teřim tmijja nnes, war tsseqsihem ca uřawen nwem.” ⁸Minzi mařa tuřa Yucuwa issidef iten di arraḥet, war řares ittiři ead řřard x ij n wass nneḍni awarni man aya. ⁹X uyenni teqqim ict n arraḥet n ssebt i weydud n Arebbi. ¹⁰Minzi wi yudfen di arraḥet nnes, aqqa netta s yixef nnes ‘yareyyeḡ zi řexdayem nnes’ eawed, amecnaw Arebbi zi tinni nnes. ¹¹Jjem aneŷ ad nemkabar, řima ad nadeŕ di arraḥet nnes, mařend war iweřti řed am mammec wḍan nitni *řexdenni* am umedya n řmuęsiyyet. ¹²Minzi awař n Arebbi iddar, ijhed, iqḍee ktar zi kuř ssif s tnayen n wudmawen, ittakkwad ař abeřtu n řecmar d arruḡ d řemfařeř d waduf, ifarrez ixarřišen d tnawi n wuř. ¹³War din uřa d ijj n umeddar war d as ibin, maca marra timesřayin aqqa-tent twaęarryent, twarezment řar titřawin n wenni umi ik-d řa negg řeřsab.

Yeccu d azeřif n ikehhanen imřar

¹⁴X uyenni am řarney azeřif n ikehhanen imřar wenni izwan deg ijenwan, Yeccu Mmis n Arebbi, eji aneŷ ad ncebbar di chadet nney. ¹⁵Minzi war řarney uzeřif n ikehhanen war izemmar ad yaca ak-d tuḍeef t nney, maca aqqa itwajarreb di marra am neccin, maca nnebřa ddanb. ¹⁶Ad nqarreb xenni s ttiqqet řar řearc n nniemet, řima ad neksi areřmet uca ad naf nniemet i ueawen di řweqt nnes.

5 ¹Minzi kuř azeřif n ikehhanen itwakkes-d zeg iwdan, itwassgæeed di řtwee n iwdan x min iřan n Arebbi, mařend ad iqeddem timewca d třarřin x ddnuw ²uca izemmar ad iřinn x iqubbaniyyen d imweddaren, minzi uřa d netta simant nnes itwasswadee i tuḍeef ³uca s man aya d icten ittxeřš as ad issgæeed

tiyaršin x ddnub n weydud uca εawed x *ddnub n* yixef nnes. ⁴Uřa d ijjen mma ad iksi i yixef nnes ccan, myř wenni itwařayan zi Arebbi, amecnaw Harun. ⁵Ammu εawed Lmasih war isseuđi ca ixef nnes, ĥima ad idweř d azeđif n ikehhanen, maca wenni d řares issiwřen “Cek d Mmi, necc jjiř-d cek řexxu”, ⁶amecnaw min inna εawed di mani nneđni “Cek d akehhan i řebda x řeřsab n usettef n Malkiřadiq.” ⁷Deg wussan n weysum nnes, aqqa iqeddem tařađit d tutra s iyuyyan ařtas d imeřřawen i wenni tuřa izemmarem ad t ifekk zi řmewt uca isřa as *Arebbi* umi tuřa itteggwed. ⁸Netta, waxxa tuřa-t d Tamemmit, aqqa iřmed řtaeet zi min xas ikkin d aweddeb ⁹uca umi ikemmeř, idweř d řeunřar i usenjem n řebda i marra inni d as iřtaeem ¹⁰uca Arebbi iggi t d azeđif n ikehhanen eľařsab asetef n Malkiřadiq.

Aeřam maĥend war nettweđdari ca

¹¹Aqqa řarney ařtas min i řa nini x wanita, iwear ad t nfessar, řami tdewřem tewear em ad tesřem. ¹²Waxxa tuřa ittxeřř ad tiřim d imseřmaden x min teqqar řweqt, aqqa ittxeřř awem ead ad awem ssřemden timesřayin timezwura n wawař n Arebbi, kenniw teĥdajem *ead* aři, maci macca ijehden. ¹³Minzi kuř ijjen wenni icarcen deg uři, war iqedd x wawař n tsegda, minzi netta d aseymi. ¹⁴Maca macca ijehden iffey-d i yinni imřaren inni aqqa nnumen ad darrben tacit nsen ĥima ad farzen řxar x řřar.

6 ¹X uyenni ad nejj tamezwarut n tyuri n Lmasih, ad nuyur zzat řar ukemmeř, maci ad nessars tawařa nneđnit dsas n ttubet d řexdayem immuten d liman zi Arebbi ²d tyuri n useřđas d usarsi n ifassen d tnukra zeg imettinen d lĥisab i řebda. ³Ejj aney ad negg man aya, mařa ismeĥ Arebbi. ⁴Minzi, inni umi itwarzem asen tiřřawin nsen ict n twařa uca qqasen amewci n ujenna uca dewřen d imeacaren n Arruĥ Iqeddsen ⁵uca qqasen awař icnan n Arebbi d řeėjayeb n řweqt i d řa yasen, ⁶xenni wđan, war izemmar ad eeqben tawařa nneđni řar ttubet, am nitni řellben Mmis n Arebbi ict n twařa nneđni i yixef nsen uca stehzan zzayes. ⁷Minzi tamurt tenni isessen anřar wenni xas iccaten zi řweqt řar inneđni uca tessyemmi aęemmu y icna i inni umi tetwafeęeĥ, d tenni i d iksin lbaraka zi Arebbi. ⁸Maca mařa

tesseymi-d isennanen d tsekra, aqqa tudes i nneēřet uca aneggar nnes d akeħħeđ s tmesi. ⁹Maca min d awem ittxeřša, a imeizzen, waxxa nessiweř ammu, aqqa netwasseqnee aqqa din min iđan ħsen manis d aneγ-d i ya yekk usenjem. ¹⁰Minzi Arebbi war iđi d wenni war iseggdan ħima ad ittu řxedmet d tayri tenni tuγa tessecnem i yisem nnes am tuγa kenniw tsexxarem i imqeddasen uca tettsexxarem *asen ead*. ¹¹Maca dayney mmezri ħima kuř ijjen zzaywem ad isscen amħađ d ijjen ař aneggar, ař i ya itwakemmeř usitem nican, ¹²ħima war tettiřim d imeegaz, maca ad tiřim d imeđfaren n yinni s liman d ttasie n řxađar ad warten řwuēud.

Ađman n řwaēd n Arebbi

¹³Minzi řami iwaēd Arebbi i Ibrahim, ijuđ s yixef nnes, minzi war izemmar ad ijađ s wenneđni imγar xas, ¹⁴iqqar “S tidett am ttbarkey ad ac barkey uca am arenniy ad ac arniy.” ¹⁵Uca ammu, am ittšebbar, aqqa iki s řwaēd. ¹⁶Minzi iwdan jjuđen γar min iđan d ameqqran xasen uca tajađit nni i nitni d ađman d uneggar n marra amcubbec. ¹⁷X uyenni iđmen Arebbi řwaēd s ict n tjađit am tuγa ix s ad isscen s ufeyyed i iwrten belli netta war ittbeddiř ca cwar nnes, ¹⁸ħima, s tnayen n tmesřayin war ttbeddiřent ca, am war izemmar xenni ad issxarreq Arebbi di man aya, ad dayney itwagg uř s wařtas, aqqa dayney di neccin inni dayes icebbaren, ħima ad neřtef deg usitem i itwaggen zzatney, ¹⁹d wenni γarney amecnaw ayřizim i řeemar, nican u imten, i d ittadfen γar daxeř *deg uqeddas x uqeddas* awarni arwaq, ²⁰mani yudef Yeccu wenni i d aneγ izwaren x tizi nney, aqqa idweř d azeđif n ikehhanen i řebda eļařsab asettef n Malkiřadiq.

Malkiřadiq d ajeđid n Salim d ukehhan n Arebbi

7 ¹Minzi Malkiřadiq-a, wenni d ajeđid n Salim d ukehhan n Arebbi i ieuđen x marra min iđan d wenni iffyen ħima ad iřqa Ibrahim řami d idweř zi tarezzit n ijeđiden, d wenni tuγa ibarek as *i Ibrahim* ²u Ibrahim iwca as řeēcur zi marra, amezwar aqqa netta d ajeđid n tsegda eļařsab afessar n yisem nnes, xenni eawed ajeđid n Salim, min ix s ad yini ‘ajeđid n řehna’. ³Aqqa netta nnebřa tababat, nnebřa tayemmat, nnebřa jjadira, war γares iđi umezwar n wussan niγ aneggar n tudart. Maca netta itwagg maħend ad yarwes di

Mmis n Arebbi, aqqa netta iqqim d akehhan i řebda. ⁴Xzarem řexxu, mečař tuya imyar wa, wenni umi iwca jedditney Ibrahim řecur zi min d iřtef zeg ijeřiden nni. ⁵Xenni inni iksin takehhant zeg ayt n Lawi, aqqa řarsen tawřeyyet elařsab ttawrat řima ad ksin řecur zeg weydud, isna zeg aytmatsen, waxxa nitni ffyen-d zi dwaxeř n Ibrahim. ⁶Maca *Malkiřadiq* wenni war izemmaren ad zwaysen iřseb jjadira, iksi zi Ibrahim řecur uca ibarek i wenni umi yar ięa řwuud. ⁷Aqqa nnebřa awař, wenni ięan qell, aqqa itwabarek zeg wenni ięan řsen zzayes. ⁸Aqqa dinni iwdan ifennan kessin řecur, mani nneđni wenni xas icehhdn belli netta iddar d wenni ikessin řecur. ⁹Uca ammu nzemmar ad nini belli di Ibrahim ieccar eawed Lawi, Lawi wenni iksin řecur, ¹⁰minzi tuya-t ead di dwaxeř n babas ařami akides insagar Malkiřadiq.

Yeccu d Malkiřadiq

¹¹Xenni mařa řekmařet tuya-tt x tkehant n Lawi, minzi sadu nnes tuya iksi weydud ttawrat, mayemmi ead ittxeř ad ikkar ukehhan nneđni elařsab asetef n Malkiřadiq, zi man wen war t nnin ca aqqa netta elařsab asetef n Harun? ¹²Minzi mařa tbeddeř tkehant, ittxeř eawed ad tbeddeř ttawrat. ¹³Minzi wenni minxef itwana man aya, aqqa-t zi teqbič nneđnit, zi tenni uřa d ijj war iqeddem ca ixef nnes i uealřar. ¹⁴Aqqa bayen belli Siditney iffeř-d zi Yahuda, wenni war x issiweř Musa uřa s ijj n wawař x tkehant. ¹⁵Uca man aya ittban qae mliř, řami d ikkar ukehhan nneđni s warwas n Malkiřadiq, ¹⁶wenni war ittswagen elařsab ttawrat s ict n tewřeyyet zi jjihet n weysum, maca elařsab jjehd n tudart war ittareddęen. ¹⁷Minzi netta iched xas “Cek d akehhan i řebda elařsab asetef n Malkiřadiq.” ¹⁸Minzi tawřeyyet tenni tuya qbeř, tetwabeřteř zi ssibbet n tuđeef t nnes u zi ssibbet nnebřa nnfae nnes. ¹⁹Minzi ttawrat war tettkemmiř uřa d ict n řřajet, maca tettawi yar usitem nneđni řsen zzayes i zi i řa nades Arebbi. ²⁰Aqqa d man aya war ięi ca nnebřa tajaęit, ²¹minzi ayt n Lawi nitni dewřen d ikehhanen nnebřa tajaęit, maca netta s ict n tjaęit zeg wenni d as inna “Aqqa Sidi ijuę, war ittbeddiř ca array nnes ‘cek d akehhan i řebda elařsab asetef n Malkiřadiq’ ”. ²²X uyenni idweř d Yeccu d ađman n ij n řeahd qae řsen. ²³Aqqa din eawed ařas inni idewřen d ikehhanen, minzi řmewt temnee iten ad

qqimen.²⁴ Maca wa, minzi ittyima i řebda, aqqa ƣares ict n tkehphant war tbeddiř ca.²⁵ S uyenni izemmar ad issenjem s řekmařet marra inni zzayes i ƣa awđen ƣar Arebbi minzi netta iddar i řebda ģima ad daysen icafeć.²⁶ Minzi tuƣa ittřiq aney ij n uzeđif n ikehhanen am wanita, amqeddas, nnebřa řyecć d taxmuji, itwafarrzen zeg imednab, yueřan x ijenwan,²⁷ wenni war ƣar iđi řxeřř, ass x wass amecnaw izeđifen n ikehhanen nneđni, ģima ad iqeddem amezwar tiƣarřin x ddnub nnes, xenni eawed x ddnub n weydud, minzi aya igg it ict n twařa i řebda qae, řami iwca ixef nnes d tƣarřt.²⁸ Aqqa ttawrat tessgaećed iwdan iđećfen d izeđifen n ikehhanen, maca awař n tjađit wenni awarni ttawrat issgaećed Mmis wenni itwakemmřen i řebda.

Azeđif n ikehhanen n řeahd n jdid

8¹ Wa d lmufid zi min itwannan, aqqa ƣarney ij n uzeđif n ikehhanen wenni iqqimen ƣar yeffus n řkursi n leađim deg ijenwan,² aqqa-t d amsexxar n wexxam iqeddsen d uqiđun iqeddsen d tidett inni issgaećed Arebbi war iđi d bnađem.³ Minzi kuř azeđif n ikehhanen itwassgaećed ģima ad iwc timewca d tƣarřin. X uyenni tuƣa ittxeřř as i wanita eawed ad ƣares yiři ca ģima ad t iwc.⁴ Maelik iđa di tmurt, netta war ittiři uřa d akehhan, minzi aqqa-ten da inni iqeddmn timewca ełařsab ttawrat,⁵ inni ittsexxaren i umedya d tiři n min iđan deg ujenna, amecnaw mammec ieřem i Musa umi tuƣa iřha ak-d uqiđun iqeddsen, minzi inna “Hđat, ad tegged marra amecnaw lmatal wenni d ac ssecney x wedrar.”⁶ Maca řexxu netta iksi takehhant tecna ktar, umi netta d amseřřař n ij n řeahd ģsen zzayes, itwaggen x řwućud icnan.⁷ Minzi mařa tuƣa řeahd amezwaru nnebřa řeib, war ittiři ead wemcan i wenni d wiss tnayen.⁸ Am yufa daysen řeib, iqqar “Aqqa da, ad d asen wussan, inna Sidi, xmi i ƣa kemmřey x taddart n Israyil u x taddart n Yahuda ij n řeahd n jdid,⁹ war iđi amecnaw řeahd wenni ggiƣ ak-d řejdud nsen deg wass min di ten tťfey zeg ufuć, ggewdeƣ ten zi tmurt n Miřra, minzi nitni war qqimen ca di řeahd inu uca necc war d asen wciƣ taynit, iqqar Sidi.¹⁰ Minzi d wa d řeahd i ƣa ggeƣ ak-d taddart n Israyil awarni ussan nni, inna Sidi, ad ggeƣ izerfan inu di řećeř nsen uca ad ten ariƣ deg wuřawen nsen uca necc ad asen iřiƣ d Arebbi, nitni ad aƣi iřin

d aydud. ¹¹War sseřmiden ca ead kuř ijj amqarreb nnes niy kuř ijj umas am qqaren ‘Ssen Arebbi!’ minzi marra ad ayi ssnen s umezyan d umeqqran. ¹²Minzi necc ad areħmey x min war iseggdan daysen uca ddnub nsen d ixetřan nsen war daysen ttfekkarey ead.” ¹³Řami inna ‘jdid’, aqqa igga řeahd amezwaru d aqdim. Xenni min idewřen yarcan uca idduysar, aqqa iggur ad ifna.

Aebad deg uqıđun iqeddsen

9 ¹Tuya xenni eawed yar řeahd amezwar řefruđ iseggdan n dđin d wemcan nnes iqeddsen di ddunnit-a. ²Minzi aqıđun iqeddsen tuya itwaedeř, aqqa amezwar nnes qqaren as ‘aqeddas’, tuya dayes řqendiř d řtabřa d weyrum n wesscan. ³Awarni arwaq wiss tnayen tuya din aqıđun qqaren as ‘aqeddas x uqeddas’ ⁴ğares ict n tmejmart n wurey i řebxur d řsenduq n řeahd iyeğfen s wurey yar marra iyezdisen: tuya dayes ij n uzenbiř n wurey dayes ‘manna’ d teyğarct n Harun tenni itwannuwccen d teřwiħin n řeahd. ⁵Sennej i man aya aqqa din ‘ixirubinen’ n řeezz (*inni amecnaw lmalakat*), inni idđřin ‘řkursi n areħmet’ (*wenni d taqebbart n řsenduq n řeahd*) s tiři n wafriwen nsen, war nzemmar řexxu ad xas nessiweř s wawař d azyen. ⁶Umi twassewjdent timesřayin-a ammu, xenni tuya ikehhanen ttadfen řebda deg uqıđun iqeddsen amezwaru ħima ad kemmřen řxedmet i *Arebbi*, ⁷maca deg wenni wiss tnayen azeğif n ikehhanen waha d wenni ittadfen ict n twařa deg useggwas waha, war iği nnebřa idammen, iqeddem iten x yixef nnes uřa x ddnub i igga weydud di tqubbanect *nnes*. ⁸S uya tuya Arruħ Iqeddsen isscan belli abrid yar uqeddas war yarzim ead min ġa yekk ead uqıđun amezwaru ibedd. ⁹Man aya d amedya i řweqt n yiđa, am tuya ttqeddamen řřdaqi d tiyarřin tina war zemarent ad ssqeneent tanefsect n wenni itent iqeddmn, ¹⁰aqqa usint-id s macca d tssesi d ccekel n řuđu uca s řefruđ iseggdan ełahřab aysum waha, twamurent ař řweqt n weedař.

Aebad s idammen n Yeccu Lmasiħ

¹¹Maca Lmasiħ i d yusin, aqqa-t d azeğif n ikehhanen x řxar i d ġa yasen, aqqa ikka x uqıđun ameqqran ikemmřen wenni war itwaggen ca s ifassen, war iği eawed zi min itwaxeřqen, ¹²uca man aya war tui s idammen n iğayđen uřa n išejmiyyen, maca s idammen nnes

aqqa yudef ict n twařa deg uqeddas, ikseb asellak i řebda. ¹³Minzi mařa idammen n ifunasen d iřayđen d iyyeđ n ueejmi i itwaruccen x inni itwaxemjen, aqqa qeddsen i tazdugi n weysum, ¹⁴mečarř ead idammen n Lmasih, wenni iwcin ixef nnes i Arebbi s Arruř n řebda d tayarřt war dayes bu řeib, i řa issizedgen tanefsect nney zi řexdayem immuten řima ad nexdem Arebbi iddaren? ¹⁵X uyenni netta d amseřař n řeahd n jdid, řima, s řmewt nnes di řtwee n ufekki n ixetřan i iggin sadu řeahd amezwar, inni itwařayan ad warten řwaed n řwart n řebda. ¹⁶Minzi mani ięa řeahd, ittxeřsa ad tetwassargeb řmewt n wenni iggin řeahd, ¹⁷minzi řeahd ad idweř iřeř xmi i řa immet řed, war ittiři ca ead nican min řa yekk iddar wenni iggin řeahd. ¹⁸Zi man aya uřa d řeahd amezwar war ittiři ca ead nican nnebřa idammen, ¹⁹minzi awarni řami d iřa Musa marra tiweřsa n ttawrat i weydud, iksi idammen n ieejmiyyen d iřayđen ak-d waman uřa d tađuft tazeggwayt d sbunxa n *hisub*, xenni aqqa irucc wedlis nni d iwdan marra, ²⁰am iqqar “Ina d idammen n řeahd i d awem yumur Arebbi”. ²¹Tuřa irucc eawed aqıđun iqeddsen d marra řeqcue n tkehant s idammen. ²²Ĕřařař marra itwassizdeg s idammen ełahřab ttawrat uca nnebřa asizeř n idammen war din ięi ca weyřar. ²³Tuřa qae ittxeřř ad twassizdegen řemtuř n timesřayin i ięan deg ujenna, maca min ięan deg ujenna simant nnes s tiyarřin (=ddbayeh) icnan zi tina. ²⁴Minzi Lmasih war yudif ca deg uqeddas itwaggen s ifassen, d wenni netta d lmatal n min ięan d tidett, maca deg ujenna simant nnes, řima ad iđhar řexxu xaney qibač i Arebbi. ²⁵War ięi eawed řima ad iqeddem ixef nnes ařtas n twařawin am mammec tuřa ittadef uzeęif n ikehhanen kuř aseggwas s idammen n innedni řar uqeddas, ²⁶minzi, mařa ammu ięa, iři ittxeřř ad iweddeb ařtas n twařawin zeg wami tetwagg ddunnit. Maca řexxu, aqqa netta iđhar-d ij n umur řar uneggar n řweqt, řima ad ikkes ddnuw s tyarřt n yixef nnes, ²⁷amecnaw mammec d itwassars i iwdan ad mmeten ict n twařa, xenni awarni man aya ad d yas řřukm. ²⁸Ammu eawed Lmasih, awarni řami immewc d tayarřt ict n twařa řima ad ikkes ddnuw x wařtas, ad itwařar twařa wiss tnayen nnebřa dđanb zeg inni t ittrajan i usenjem nsen.

Tyaršt n Lmasih i řebda

10¹Minzi ttawrat, tenni yares tiři n řxar i d ya yasen, war yares řšifet n tmesřayin simant nsent, emmarř war tzemmar ad tkemmeř i inni ittqarraben kuř aseggwas maħend ad qeddmn řebda tiyarřin eawed kifkif. ²Niř Ila, ad twassbedd timewca n tiyarřin, minzi inni tuya ittsexxaren i uqiđun iqeddsen awarni řami twassizedgen ict n twařa, war yarsen ittyimi ead xenni tmusna n ddnub. ³Maca s man aya ddnub nsen twassfekkaren asen-d kuř aseggwas, ⁴minzi idammen n ifunasen d iyađden war zemmar n ad kksen ddnub. ⁵X uyenni řami d yudef řar ddunnit, iqqar “Tyarřt niř amewci war ten tersed, maca aqqa tessewđded ayi arrimet. ⁶Tiyarřin s tmessi d tiyarřin i ddnub war xasent tarđid. ⁷Řexdenni nniř ‘Aqqa-yi da, ad d aseř, řar beddu n wedlis itwannđen itwari xafi, ħima ad ggeř min tersed cek, a Arebbi!” ⁸Tuřa inna qbeř “Tiyarřin d tmewca d tiyarřin s tmessi d tiyarřin i ddnub war tent tersed niř war xasent tarđid”, waxxa aqqa-tent twaqeddment ełahřab ttawrat. ⁹Řexdenni inna “Aqqa-yi da, ad d aseř ħima ad ggeř min tersed cek, a Arebbi.” Ikkes amezwar, ħima ad issgaeeed wiss tnayen. ¹⁰Aqqa netwaqeddes i řebda qaē s tmewci n tiyarřt n arrimet n Yeccu Lmasih. ¹¹Xenni kuř akehhan tuya ittsexxar kuř ass maħend ad iwc ařas n twařawin tiyarřin d icten tinni war izemmar n ad kksint ddnub. ¹²Maca wanita, awarni řami iqeddem ict n tiyarřt x ddnub, aqqa iqqim x yeffus n Arebbi i řebda, ¹³zi řexdenni ittraja ař d as twaggen řeedyan nnes d tanebdat sadu iđaren nnes. ¹⁴Minzi s ict n tiyarřt aqqa issegged i řebda marra inni itwqeddsen. ¹⁵Arruħ Iqeddsen eawed iched x man aya, ¹⁶minzi awarni řami tt inna qbeř “D wa d řeahd i zi i ya eahdeř ixef inu akisen ‘Awarni ussan nni’, inna Sidi, ‘ad ggeř izerfan inu deg wuřawen nsen, ad ten ariř eawed di řeeqeř nsen ¹⁷uca ddnub nsen d ixetřan nsen, emmarř ad daysen fekkareř ead.’” ¹⁸Xenni mani ittiři weřfar i man aya, war din iqqim ead tiyarřt x ddnub.

Acejjeē ħima ad ncebbar di liman

¹⁹X uyenni, a awmaten, am řarney ttiqqet maħend ad nadeř deg uqeddas s idammen n Yeccu Lmasih ²⁰x webriđ n jdiđ iddaren i d aneř yarezzmen zzayes am d ikka zi arwaq, wenni d aysum nnes

²¹uca aqqa yarney ij n ukehhan d ameqqran x taddart n Arebbi,
²²ejj aney xenni ad nqarreb s wuř n tidett, di ttiqqet n liman, s wuř
itwassizedgen s urucci zi tnefsect tačeffant uca s arrimat nney
issirden s waman iřfan. ²³Ejj aney ad ncebbar di chadet n usitem
nnebřa mma ad narjij, minzi d wenni iwaeden d ařdiq ²⁴uca ad
neřđa ijjen wennedni ĥima ad negg uř deg wayawya ĥar tayri u ĥar
řexdayem tiřebħanin, ²⁵war nejji ca tamesmunt nney am mammec
nnumen ca zzayneř, maca ad nessemħeđ ijjen wennedni, mahu ead
xmi i ĥa tżarem aqqa ass nni yiweđ-d. ²⁶Minzi mařa nexđa neemada
awarni mma neřřef tamusna n tidett, xenni war teqqim ead tyarřt
x ddnub, ²⁷maca araji n lħisab d řeabuq n tmessi tenni i ĥa iccen
řeedyan. ²⁸Mařa ĥed ad ibđeř ttawrat n Musa, ad itwaney nnebřa
areħmet x chadet n tnayen niř třata n řečud. ²⁹Mečřař i ĥa yiři
ead uweddeb ktar i di tfekkarrem ad isdaheğ wenni tuřa ičeffsen x
Mmis n Arebbi u tuřa iħesseb idammen n řeahd i zi tuřa itwaqeddes
d taxmuji u xenni isseħqar Arruħ n nniemet? ³⁰Minzi nessen wi
innan “Antaqem i necc umi iğa, necc ad t xeğsey!” uca eawed “Sidi
ad iħkem ayduđ nnes.” ³¹Sseed d abarcen i wenni i ĥa iwđan deg
ifassen n Arebbi iddaren. ³²Maca fekkarem deg wussan iedun, min
di, awarni řami twarezment tiřřawin nwem, tuřa kenniw tarebbum
amenři ameqqran n uweddeb, ³³zeg ij n uyezdis řami kenniw arrin
d afurrej n řeđđiħet d řeħřart uca x uyezdis nneđni řami kenniw
tcarcem ak-d innedni umi daysen itwagg ammu kifkif. ³⁴Minzi
teksim amnus x snaseř inu uca tqebřem akecced n wagra nwem s
řefraħet, tessnem belli ĥarwem agra icna i war ifennin deg ijenwan.
³⁵War neřřarem ca taryast nwem tenni ĥar teğa ict n řmunet temřar.
³⁶Minzi řřbar ittxeřřa kenniw, ĥima xenni ad teřřfem řwaed am
teggem min ixs Arebbi. ³⁷Minzi drus n řweqt i dinni uca wenni i
d ĥa yasen ad ixecc uca war ittetřřar ca. ³⁸Maca amseggad s liman
ad iddar, maca mařa ismeħ dayes, war zzayes ifarreħ řeemar inu.
³⁹Maca neccin war neği ca zeg inni idewřen ĥar đeffar ĥar txessart,
maca zeg inni ittammen ař ĥa awđen ĥar usenjem n řeemar.

Řechud s liman

11 ¹Aqqa xenni liman d ađman n tmesřayin i zi itwassitem uca d aqnae n tmesřayin war ttwiřint. ²Minzi s man aya řtfen řejdud zic chadet. ³S liman nfehhem belli ddunnit tetwagg s wawař n Arebbi, minzi min ittwařan, war itwagg ca zi min ittbanen.

⁴S liman tuya **Habil** iqeddem ict n tyarřt temyar x Qayin i Arebbi uca zzayes aqqa itřef chadet belli tuya-t d amseggad, řami d as iwca Arebbi chadet i tyarřt nnes uca zzayes issawař ead, waxxa netta immut.

⁵S liman immeksi **Inux** nnebřa mma izra řmewt, war itwaf ead, minzi iksi it Arebbi. Minzi qbeř mma ad itwaksi, tuya cehhden xas, aqqa tuya yarđa Arebbi. ⁶Maca nnebřa liman war izemmar Arebbi ad itwarđa. Minzi wenni i ya iqarrben yar Arebbi, ittxeřř as ad yamen belli netta aqqa-t din u netta d amxeğaş n inni xas yarezzun.

⁷S liman tuya **Nuř**, awarni řami Arebbi ieřem zzayes s wawař x min ead war ittbinen, issewjed ařarrabu s uweqqar ař asenjem n řwacun nnes uca s liman nni aqqa iřkem ddunnit uca idweř d awrit n tsegda tenni ełahřab liman.

⁸S liman tuya **Ibrahim**, řami d itwařaya, itřtae uca iffeř yar wemcan i ya itřef d řwart uca iffeř nnebřa mma ad issen mani i ya yaweđ.

⁹S liman tuya-t di tmurt n řwaed amecnaw di tmurt n ibarraniyyen, izdeř deg iqiđan ak-d Iřařaq d Yaequb, inni d iwrten akides n řwaed d ijjen, ¹⁰minzi ittraja tandint s dsas, tenni ibna uca igga it Arebbi. ¹¹S liman immewc as i **Sara** jjeħd maħend ad teksi ddeřset uca tuřu ead barra i řmijař n tewsar nnes, minzi nettat tuya teħseb wenni iwaeden d ařdiq. ¹²S uyenni eawed zeg ijjen, aqqa zeg wenni i di ibdeř jjeħd nnes, ffyen-d amecnaw itran n ujenna s ubarru nsen uca amecnaw iđi x tma n řebħar i war izemmar ad itwaħseb.

¹³Di liman nni mmuten ina marra nnebřa mma ad řtfen řwueud, maca zi řaggwaj waha řrin ten, umnen zzaysen, darřen asen uca cehden belli nitni d ibarraniyyen d imsebriden x tmurt. ¹⁴Minzi inni iqqaren man aya, ssecnen mliħ belli nitni arezzun tamurt. ¹⁵Maelik fekkaren zi tmurt manis d ffyen, iři aqqa ufin řweqt ĥima ad eeqben. ¹⁶Maca řexxu daysen mmezři yar *tmurt* tenni ĥsen, min ixs ad yini yar tenni deg ujenna. S uyenni Arebbi war iřeđři ca ad as řayan Arebbi nsen, minzi aqqa issewjed asen tandint.

¹⁷S liman iwca Ibrahim, řami itwageġeb, Iřhaq d tayarřt uca wenni iqebřen řwuεud, tuya iqeddem ayenni n mmis i tuya řares, ¹⁸aqqa netta umi itwanna “Di Iřhaq ad ac řayan zzariεet”. ¹⁹Tuya ixarreř belli Arebbi izemmar εawed ad t-id issnekkar zeg imettinen, zi manis t-id iki řares εawed am ij n lmatal.

²⁰S liman tuya **Iřhaq** ibarek Yaεqub d Eisu x min tuya d igguren.

²¹S liman tuya **Yaεqub**, řami tuya ittmetta, ibarek x kuř ij zig iħenjiren n Yusef uca tuya iεebbed am isseukkuz x yixef n teyyarct nnes.

²²S liman tuya **Yusef**, řami tuya ittmetta, ifekkar x wufuř n ayt n Israyil uca iweřřa ten x iřsan nnes.

²³S liman tuya **Musa**, řami d ixřeq, itwasnuffar zi lwalidin nnes třata n iyuren, minzi řrin aseymi iřbeħ uca war ggwidin ca s řumur n ujeġid. ²⁴S liman tuya Musa, řami tuya imeqqar, yugi ad as řayan mmis n yeġis n Firεun, ²⁵mři yufa ad yiři itwameġex ak-d weyduđ n Arebbi uřa d tarrit n mmezri di ddnuđ di ca n řweqt, ²⁶uca tuya iħesseb aseħqar n Lmasiħ d agra ameqqran sennej i řeknuđ n Miřra, minzi tuya ixezzar řar min d as i řa itwaxeġeř. ²⁷S liman iija Miřra, am war iggwid ca zi tefqaħt n ujeġid, minzi iziyyar ixef nnes axmi ittwařa wenni war izemmaren ad ittwařa. ²⁸S liman igga *izmar* n Basxa d arucci n idammen, ħima amkeħħađ war ittħidi ca imenza nsen. ²⁹S liman řwan řebħar azeggway axmi kkin di řbarr, maca Imiřriyyen, am t jarrben tanya, twařarđen zi *řebħar*.

³⁰S liman wđan **řehyuđ n Ariħa** umi kkin sebea n wussan ttenđen as. ³¹S liman war thellek ca **Raħab** řqeħba ak-d yinni war iħťien, am tuya tareħħeb ibergagen s řehna. ³²Uca min i řa iniy ead? Minzi řweqt war tqeddi ad ssiwřey x **Xidiyun** d **Barak** d **Samsun** d **Yifta** d **Dawud** d **Samwil** u x **imkacafen** ³³inni tuya iyellben x tgeldin s liman, ggin tasegda, tťfen řwuεud, qqnen ixenfucen n wayraden, ³⁴ssxesyen jjeħd n tmessi, arewřen zi řeqđae n ssif, ksin jjeħd di tuđeef, dewřen jehden deg imenyan, qeřeen x řeeskar n ibarraniyyen. ³⁵Timyarin ksint imettinen nsent zi tnukra, ca nneđni twaεeddben, war qbiřen ca afekki, ħima ad carcen di tnukra ħsen. ³⁶Ca nneđni ksin abehdeř d urekkuđ sennej i man aya ead snaseř d řeħbes ³⁷uca twarejmen, twaqeřřen di iziynat, qeġben ten, twanřen s ssif, teleen am arđen iřmawen n uġi d iyayđen, daysen řeyben, twaħřaren, twađermen, ³⁸aqqa ddunnit war ten tesdaheġ, teleen di řexřawat, x idurar u deg

ifran d ixerdusen n tmurt. ³⁹Uca marra ina waxxa kesben chadet s liman, war ṭtifen ca řwæd. ⁴⁰Aqqa Arebbi tuya ittwařa ca n řhajat xar i neccin, řima nitni war twakemmřen ca nnebřa neccin.

Lmatal n Lmasih

12 ¹S uyenni neccin eawed, umi d aneř-d inned ij useynu ameqqran n řechud, ad nejj marra đđqeř d ddanb i d aneř ittegggen deřya taxceft, mařend ad nuyur s řřbar amřizwar wenni i d aneř ittrajan řar zzat. ²Ejj aneř ad nřar řar umgewwad d umkemmeř n liman, Yeccu, wenni, zi ssibbet n řefrařet itwaggen qibač nnes, aqqa yarebbu řřalib, war t icqi ubehdeř, uca iqqim x yeffus n řearc n Arebbi. ³Xřarem mliř deg wenni yarbun anect n řeekaset n imednab đidd n yixef nnes, řima war tettihřem u war tarexxum ca di řeemar nwem.

Arebbi ittarebba iřenjiren nnes

⁴Aqqa kenniw, am tettmenřam ak-d ddanb, war temeariř ead ař d ṭtsizzřen idammen, ⁵uca tettum asenhar i kiwem issawařen amecnaw řar iřenjiren ‘Mmi inu, war řheqqar ca tarbiyyet n Sidi, war ttiři ca d amarxu xmi cek i řa ixeges.’ ⁶Minzi wenni ittexs Sidi, yarebbi t s uqessař uca izekkweđ kuř ij n mmis wenni iqebbeř. ⁷Mařa teksim tarbiyyet, Arebbi ittegg awem am iřenjiren nnes. Minzi man mmis wenni babas war t yarebbi ca s uqessař? ⁸Maca mařa aqqa kenniw nnebřa tarbiyyet i di ccarcen marra, řexdenni kenniw d tarwa n farq cyeř, war iři d arraw. ⁹Zi ssa, aqqa neksi tarbiyyet zi babatney elahřsab aysum uca nweqqar iten, ma xenni war netteřṭiei ca ktar ařřas i Tbatat n arruřat uca ad neddar? ¹⁰Minzi ina tuya d aneř yarebban drus n wussan am mammec d asen ittyiř mliř, maca netta ittegg it i tizi nney, řima ad ncarc di tqeddast nnes. ¹¹Aqqa war din uřa d ict n tarbiyyet s uqessař ittbanen d řefrařet maca d řehriř, maca awarni as tiwi-d řyiřet n řehna i iřan di tsegda i inni zzayes itwadarrben. ¹²X uyenni sgaedem xenni ifassen yarxun d ifadden yarehfen, ¹³uca ggem nican isuraf n idaren nwem řima min iřan d anedřař war itteřřuřud ca, maca ad iggur ad iggenfa. ¹⁴Đfarem-d řehna ak-d marra d tuqeddsi tenni nnebřa zzayes war iřar řed Sidi. ¹⁵Yarwem aqqa uřa d ijjen mma ad iwđa zi nniemet

n Arebbi niy ad issey mi aẓwar n tarzugi, ad igg axarweḍ uca xenni ad zzayes twaxemjen aṭṭas. ¹⁶War itwajj ḥed ad yiři d aqehbi niy d ameqjuh amecnaw Eisu, wenni iwcin řheqq n umenzu nnes x ijj n macca. ¹⁷Minzi aqqa tessnem, belli awarni as tuya dayes mmezri ḥima ad iwart lbaraka, yugi as, am war yufi ca amcan i ttubet waxxa yarezzu t s imetṭawen. ¹⁸Minzi kenniw war tiwidem ca yar wedrar wenni nzemmar ad nḥada u yar tmessi yaryin d tbarcant d tağest d tharyat ¹⁹d zzhir n řbuq d řḥess n wawařen x ssibbet nnes inni t isřin, zawgen xenni maḥend war kisen issiwiř ead, ²⁰s minzi war zemmaren ad arbun min d asen iweřša “Mařa iḥada ij n lḥayawan adrar, ad itwarjem niy ad itwaney s fřitca.” ²¹Řami tt zřin, tudef iten tiggwudi, ařami Musa inna “Aqqa ggwedey u arjijey.” ²²Aqqa řexxu kenniw tiwdem yar wedrar n Siyun, yar tendint n Arebbi iddaren, Urcalim n ujenna u yar řuřuf n lmalakat, ²³yar umuni n wurar, yar tmesmunt n imenza inni itwazemmen deg ijenwan u yar Arebbi, řqađi x marra u yar arruḥat n imseggaden inni itwakemmřen, ²⁴u yar Yeccu, amseřaḥ n řeahd n jd id u yar idammen n urucci inni issawařen ḥsen zeg inni n Habil. ²⁵Yarwem war tagim ca wenni issawařen, minzi mařa inni war itwassnejmen ca řami ugin wenni issawařen di tmurt, mahu ead neccin, mařa nḥeyyed zeg wenni iğan zeg ijenwan. ²⁶Tmijja nnes tuya tessenzezza tamurt di řweqt nni, maca řexxu aqqa iwaed, iqqar “Ead ict n twařa eawed ad ssenzezzey maci tamurt waha, aqqa uřa d ajenna.” ²⁷Awař-a ‘Ict n twařa eawed’, aqqa yemřa belli ad itwakkes min ittenhezzan am min itwaxeřqen, ḥima ad iqqim min war ittenhezzin. ²⁸X uyenni am nkessi tageldit war ittenhezzin ca, ad neṭṭef di nniemet uca ad nexdem i Arebbi am mammec xas yarḍa, s řehya d tiggwudi. ²⁹Minzi Arebbi nney d timessi ittetten.

Amgewwad n usenjem nney

13 ¹Ejj ad teqqim tayri n tawmat. ²War tettum ca ad tarezmem tawwart i inewjiwen, minzi s uya ca areḥḥben s lmalakat am war ssinen. ³Eeqřem x imeḥbas axmi kenniw tetwaḥebbsem akidsen eawed u eeqřem x inni itwayezzan axmi kenniw yezzan di arrimet eawed. ⁴Ejj ad yiři řemřac d aweqqar yar marra, d qama n řemřac nnebřa řexmej, minzi Arebbi ad iḥkem x iqeḥbiyyen u

x yinni itteggen zzina. ⁵War ttiřim ca d iceřřaren, qeņsem s min ęarwem, minzi netta simant nnes inna “Nec war cek ttejjij nię ad dayek semmęey”. ⁶S uyenni nzemmar ad nini s ttiqqet “Sidi d ameawen inu, war tteggwdeę ca, min d ayi i ęa yegg bnađem?” ⁷Eqeřem x inni i kenniw ittgewwaden, inni d awem issiwřen awař n Arebbi, đfarem liman nsen, xmi txezzarem ęar řęięet n tudart nsen. ⁸Yeccu Lmasih d netta netta, idennađ d yiđa u i řebda. ⁹War tejjim ad kenniw ęarren zi ssa ęar diha s tyuri teęrib, minzi řęajet n lemlih aqqa uř ad icebbar di nniemet, war ięi di macca i tuęa war infieen ca i inni tuęa zzayes iřhan. ¹⁰Yarney ij n uealřar i zi inni ittsexxaren deg uqiđun iqeddsen war ęarsen bu ttesriř maęend ad zzayes ccen, ¹¹minzi arrimat n lęayawanat inni idammen nsen twaksin ęar daxeř n uqeddas zeg uzeęif n ikehhanen twassaryen barra i teqseft. ¹²X uyenni tuęa Yeccu imarret eawed barra i tewwart n *tendint*, ģima ad iqeddes ayduđ s idammen nnes, ¹³X uyenni ad neffey ęar barra n teqseft am narbu řear nnes. ¹⁴Minzi war ęarney da tandint n řebda, maca narezzu x tenni i d ęa yasen. ¹⁵Ammu xenni, ejj aneę ad zzayes nqeddem timewca n usemęar i Arebbi, řęięet n iyencicen inni icehhden x yisem nnes. ¹⁶War ttettum ca ad teggem min iřebęen uřa d tecrimet, minzi Arebbi yarđa x tmewca am tina. ¹⁷Tęaem i inni i kenniw ittgewwaden, ggem asen array, minzi nitni tteassan x řeemur nwem amecnaw inni itteggen řęęsab, *ęaem asen ģima ad tt ggen s řefraęet*, war ięi s uweęweę, minzi man aya war kenniw ineffe. ¹⁸Zzaęem xaney minzi ęarney ttiqqet belli ęarney tanefsect tecna, am dayney mmeęri ģima ad neddar nican di marra. ¹⁹Ttzawgeę kenniw s jjeđd, ad teggem ammu, ģima xenni necc deęya ad ęarwem-d dewřeę. ²⁰Arebbi n řehna wenni d issnekkaren Yeccu Lmasih, ameksa ameqqran n wuęi, zeg imettinen s idammen n řeahd i řebda, ²¹ad kenniw ikemmeř di marra řxar ģima ad teggem min ix s netta, maęend ad dayney igg min ięan i arđa nnes s Yeccu Lmasih wi ęar ięa ueuęi i řebda qae. Amin. ²²Xenni eęřmeę awem, a awmaten, qebřem awař-a n usenhar, minzi urię awem-d s drus. ²³Snem aqqa arxun umatwem Timutięu. Mařa yusi-d deęya, ad kenniw zareę *akides*. ²⁴Seęmem x marra inni i kenniw ittgewwaden u x marra imqeddasen. Inni n Iřalya ttseęamen-d xawem. ²⁵Nniemet ad kidwem tiři marra. Amin.